



CHARITIES SERVICES

Ngā Ratonga Kaupapa Atawhai



He wāhanga a Ngā Ratonga Kaupapa Atawhai nō Te Tari Taiwhenua, māna ka whakahaere i te Ture Kaupapa Atawahi 2005.

Ka whakatairanga mātau i te whakapono me te māia a te iwi tūmatanui ki te rāngai kaupapa atawhai, ka akiaki hoki kia whai hua ai te whakamahitanga i ngā rauemi kaupapa atawahi. Ko te wāhi ki a mātau e tutuki ai ēnei, ko te rēhita me te arotake i ngā whakahaere kaupapa atawhai me te whakahātepe i ā rātau pūrongo ā-tau. Ka akiaki hoki mātau kia pai ai ngā mahi kāwana, whakahaere hoki mā te tuku tautoko mātauranga, tohutohu, rauemi hoki hei akoako i ngā āhuatanga nei.

Ka āta mahi a Ngā Ratonga Kaupapa Atawhai ki ngā Kaitohutohu Kaupapa Hāpori a Te Tari Taiwhenua, puta noa i te motu, me ngā āpiha hoki o tari kē pēnei i Te Tari Taake me Hīkina Whakatutuki. Ka tuku tohutohu hoki mātau ki ngā tari kāwanatanga, ki ētahi atu hoki i te rāngai mahi aroha. Hei āpiti, ka tā mātau i ngā raraunga me ngā rangahau e hāngai ana kia tipu te mārāma, te whakapono me te māia ki te rāngai kaupapa atawhai.

Mō ētahi atu kōrero mō Ngā Ratonga Kaupapa Atawhai haere ki tā mātau pae ipurangi: <http://www.charities.govt.nz>

Te Rātā Atawhai

He mea whakatū a Ngā Ratonga Kaupapa Atawhai i te 2012, i te wā i tukuna ai ngā mahi a te Komihana Kaupapa Atawhai o mua ki Te Tari Taiwhenua. Kia tū motuake ai ngā mahi whakatau take, ka whakatūria e Te Ture Kaupapa Atawhai kua menamenatia he **Poari Rēhita Kaupapa Atawhai (Te Rātā Atawhai)** i, māna e whakatau ngā take katoa e pā ana ki te rēhitatanga me te tango rēhitatanga i ngā kaupapa atawhai. Tokotoru ngā tāngata o tēnei poari tū motuhake, ko te mahi nui he whakarite mehemea ka taea ngā kaupapa atawhai te whakarēhita ki te Rēhita Kaupapa Atawhai i raro i te ture kaupapa atawhai o Aotearoa.

Ko ngā tāngata nei o Te Rātā Atawhai, ko Roger Holmes Miller (Heamana), ko Dr Bev Gatenby, ko Simon Karipa. Ka rite tonu te taki huihui a te Poari kia whakamahia ngā tikanga o te ture ki te whakatau take mō te noho o te whakahaere hei whakahaere kaupapa atawhai.

Te Rēhita Kaupapa Atawhai

Ka whakahaere a Ngā Ratonga Kaupapa Atawhai i te **Rēhita Kaupapa Atawhai**, kei konā e mau ana ngā pārongo mō ngā kaupapa atawhai 27,000, nuku atu. Ko te Rēhita Kaupapa Atawhai nei, he pūranga tūmatanui mō ngā kaupapa atawhai kua rēhitatia ki raro i ngā tikanga o te Ture Kaupapa Atawhai 2005.

Ka whakarāpopototia ki te Rēhita Kaupapa Atawhai ko ngā whāinga o ia kaupapa atawhai, ko ngā mahi, ko te rāngai, ka raua atu hoki ko ngā Pūrongo ā-Tau – he pūrongo ā-tau tēnei ka whakamārama i ngā whiwhinga, i ngā whakapaunga me ngā mahi o ia kaupapa atawhai.

Tērā tētahi pūnaha rapu whatutoto, māna ka whakaahei i a koe ki te toro haere i ngā taipitopito o ngā kaupapa atawhai kua rēhitatia me ngā kaupapa atawhai i rēhitatia i mua, ka taea te tō mai he kōrero, he tauranga hoki i ngā raraunga katoa i te Rēhita.

Ka taea te tiroiro te Rēhita Kaupapa Atawhai ki: <http://www.charities.services/search>

He Pātai Whānui

Mō ngā pātai whānui, me whakapā mai ki info@charities.govt.nz

He Rauemi

Ngā Rauemi a Ngā Ratonga Kaupapa Atawhai

He nui tonu ngā momo kōrero ka tukuna e Ngā Ratonga Kaupapa Atawhai ki ngā kaupapa atawhai kua rēhitatia me te rāngai mahi aroha. Kei tua i tā mātau pae ipurangi, he rangitaki, he hōtaka ipurangi hoki e pā ana ki ngā take o te wā mō ngā kaupapa atawhai, he pānui e whakarāpopoto ana i ngā take matua mō ngā kaupapa atawhai, he kōrero hoki ki Tīhau me Pukamata.

Ka tāia hoki e mātau ngā whakatau a te Poari Rēhita Kaupapa Atawhai.

Toroa mai ngā huarahi o raro nei:

Pānui	http://charities.services/NewsletterSignup
Rangitaki	http://charities.services/BlogSignup
Pukamata	http://www.facebook.com/CharitiesServices
Tīhau	@charitiesDIA
Ngā Hui Tuihono	http://charities.services/WebinarInfo
Ngā Whakatau	http://charities.services/decisions
Pae Ipurangi	http://www.charities.govt.nz

He Rauemi Anō

I tautoko anō hoki a Ngā Ratonga Kaupapa Atawhai i te whakahoahoatanga mai o ngā rauemi e rua hei āwhina i ngā mahi kāwana me ngā mahi tauria pai ki roto i ngā kaupapa atawhai me te rāngai mahi aroha. Nā te NZ Navigator Trust (<https://nzntrust.org.nz>) ēnei rauemi, ā, ko ia kei te whakahaere i ngā kōrero.

CommunityNet Aotearoa

Ko CommunityNet Aotearoa he pae ipurangi koreutu ka taea te rapu mai, te tukutuku hoki he rauemi whai kounga hei whakapakari i ngā whakahaere hapori.

Tirohia mai i konei: <http://community.net.nz>

NZ Navigator

Ko NZ Navigator, he taputapu aromatawai koreutu kei te ipurangi hei āwhina i ngā whakahaere hapori o Aotearoa, arā ki te arotake i ngā mahi a tā rātau whakahaere mā te tohu e pēhea ana ngā mahi nui o te whakahaere – te aronga, ngā mahi kāwana, te ārahi, ngā tāngata, ngā mahi whakahaere, te pūtea, te tuku kōrero, te aromātai me ngā hononga.

Tirohia mai i konei: <http://www.nznavigator.org.nz>

**CHARITIES
SERVICES**

Ngā Ratonga Kaupapa Atawhai



**Te Tari Taiwhenua
Internal Affairs**